

Condições de Participación edición 2007

Solicitud de participación para expositores

Deberá formalizarse a través do impreso que proporciona a organización, facilitando tódolos datos solicitados.

Acompañarase de suficiente información gráfica sobre os productos que se pretendan expoñer na feira.

Aceptación de Participación

Para reservar o carácter e a finalidade da feira, a organización aplica criterios estrictos de selección na admisión dos produtos a expoñer, polo que se reserva totalmente o dereito de aceptación de participación e poderá rexeitar aquelas solicitudes que, ó seu criterio, non se axusten á finalidade e o carácter da feira.

En calquera caso, os expositores comprometeranse a aceptar as presentes Condições e as Directivas técnicas que se lles comuniquen.

A organización da feira comunicará por escrito a aceptación de participación e as instrucións técnicas relativas á montaxe e á celebración da feira.

Forma de Pago

Realizarase en metálico, mediante cheque bancario conformado ou por transferencia bancaria a favor de **Primavera, Feira Norte do Regalo**.

O pago efectuarase nunha soa vez e con antelación á data que se indique na carta de aceptación.

En calquera caso, a acreditación do pago da totalidade do custo do espazo contratado será condición indispensable para acceder á montaxe na feira.

Liquidación de gastos e retirada de material de exposición

A liquidación total dos gastos adicionais que se poidan producir polo expositor, durante a celebración da feira, será condición indispensable para retirar o material (mobiliario, obxectos e instalacións) do seu correspondente espazo.

Renuncia

A renuncia do expositor á súa participación poderá ser motivo de perda da cantidade adiantada.

Montaxe e decoración de stand

Os expositores poderán dispoñer dos espazos na feira a partir do día anterior á súa apertura. A organización informará coa suficiente antelación dos horarios de montaxe.

Os materiais e obxectos a expoñer serán os que aparezan detallados na solicitude e que foran admitidos pola Organización. Non se permitirá a entrada nin saída de mercadorías durante o horario de apertura ó público.

Calquera intervención no stand terá que contar ca autorización da organización. En atención ó deseño global da montaxe da feira, calquera modificación do stand queda supeditada ó criterio da organización e debe de consultarse, en calquera caso, coa suficiente antelación. A ubicación dos espazos que ocupen os expositores quedará a criterio da organización que, en función das necesidades da montaxe, poderá modificala en todo momento.

Desmontaxe e saída

Os stands non poderán ser evacuados, nin na súa totalidade nin en parte, antes da hora de peche do último día da feira. Farano nos horarios indicados pola Organización, debendo deixar o espazo completamente limpo e recollido de materiais de desfeita.

Os expositores deixarán os stands e equipamento nas condicións en que os recibiron. Tódolos deterioros causados polo expositor ou os seus mandatarios serán reparados ó seu cargo.

Vixilancia e seguridade

A feira establecerá dentro do recinto un servizo de orden e vixilancia xeral, pero declina toda responsabilidade sobre os danos e perdas que por accidentes meteorolóxicos, fumes, roubo ou calquera feito da natureza que sexa, puideran ocasionarse ás instalacións e ós bens de cantos particulares, entidades e organismos participen na mesma.

Os expositores serán responsables dos danos que, por acción propia, do seu persoal, ou das súas instalacións, poidan causar a terceiros.

Apertura e peche

Os expositores están obrigados a manter abertos ó público os seus stands durante todo o período de duración da feira, no horario fixado pola Organización.

Suministro de enerxía eléctrica

Os stands disporán de tomas para suministro de corrente alterna de 220W. Calqueroutra instalación eléctrica deberá solicitarse coa suficiente antelación e será por conta do expositor.

Invitacións

Os expositores recibirán alomenos 50 invitacións para distribuír libremente entre os seus clientes.

Condições Xerais

Os expositores están obrigados a permitir o paso, a través dos seus stands, para todos aqueles traballos de mantemento ou reparación que se consideren urxentes ou imprescindibles.

Os expositores deberán ter asegurado o seu persoal contra accidentes, así coma cubrir os seguros sociais, impostos e demais obrigas laborais previstas na lexislación vixente, declinando a Organización da feira calquera posible reclamación ou incidencia sobre estes aspectos.

Prohíbese terminantemente depositar ou expoñer nos stands e instalacións da feira materias perigosas, inflamables, explosivas ou insalubres, que desprendan malos olores e, en xeral, aquelas que poidan molestar ós demais expositores e visitantes.

A custodia das instalacións e produtos en exposición correrá e estará a cargo do persoal particular de cada expositor.

Reserva de responsabilidade

A organización declina toda responsabilidade sobre as perdas ou danos dos produtos expostos ou doutras propiedades do expositor.

A Organización, por causa xustificada, resérvase o dereito de modificar a superficie ou emprazamento asignado ó expositor, así coma calqueroutra cambio estrutural necesario, sen dereito a indemnización ou compensación.

Se, por calquera causa, non se puidera celebrar a feira, os expositores so terían dereito á devolución das cantidades entregadas, sen opción a ningunha indemnización.

A Organización resérvase o dereito de admisión e poderá revocar esta, se foi atribuída por datos inexactos ou se non se cumpren as condicións de admisión e participación.

A Organización poderá establecer novas disposicións impostas polas circunstancias para a boa marcha da feira, dandoas a coñecer ós expositores, incluso verbalmente.

Para tódalas obrigas recíprocas, o lugar de execución e Tribunal competente é o Tribunal de Xusticia de A Coruña.

Obxectivos:

- Presentar unha proposta ferial novedosa, atractiva e de calidade orientada exclusivamente a compradores profesionais.
- Consolidar un novo discurso de presentación de produtos e a adhesión das empresas que os fabrican a un proxecto comercial co que se identifiquen.
- Crear unha atractiva cita profesional para fabricantes e comercializadores do regalo de calidade liderando un novo estilo na organización de feiras profesionais.
- Crear unha plataforma de encontro e negocio ó redor dun sector cun enorme componente cultural, económico e creativo.
- Conseguir que a feira sexa coñecida non so polas súas posibilidades de negocio, senon tamén como un espacio de intercambio que revalorice o produto de calidade.
- Crear un novo e eficaz canal de comercialización, para as pequenas empresas con produtos de calidade contrastada.

Carácter:

A feira Primavera **está reservada a compradores profesionais** acreditados (non se permite a entrada de público, salvo que dispoña de invitación oficial).

Está dirixida ó mundo do regalo de calidade, a decoración e o interiorismo, e se organiza co obxectivo de proporcionar unha cita anual entre empresas, fabricantes, deseñadores ou autores e compradores profesionais, maioristas, institucións, marchantes, galerías, etc.

Primavera serve ademais como cita anual para os produtores do sector do regalo, do obxecto de autor ou do regalo de empresa.

Unha cita próxima que facilita o contacto directo entre responsables de puntos de venda e fabricantes ou distribuidores.

Admite prioritariamente como expositores a empresas ou autores que presenten obras ou produtos fabricados por eles mesmos, con modelos de autoría propia e cunha calidade contrastada, así como tamén a distribuidores deste tipo de produtos.

Primavera é o espacio axeitado para comercializar: cerámica decorativa, tradicional, para uso doméstico, porcelanas, lámpadas, pequeno mobiliario auxiliar, complementos, téxtis para o fogar e a decoración, marroquinería, xoiería, ourivería e pratería, obxectos de cartón pedra, esculturas de pequeno formato (en pedra, mármore, acibeche, bronce, ferro, cerámica...), gravados, obxectos de metal para a decoración ou o regalo, bronzes, obxectos de madeira para uso doméstico, obxectos realizados en fibras vexetais, xoguetes, material de papelería e encadernación, obxectos de madeira taraceada ou decorada, esmaltes ó lume, vidro decorativo, vidro tallado, vidreiras, vidro fundido ou soprado, regalos de empresa e publicitarios, etc.

Non se admiten expositores que presenten imitacións, obxectos realizados con materiais que induzan a confusión ou dos que non se dispoña de suficiente información sobre a súa composición, lugar de procedencia ou proceso de fabricación.

Primavera é unha feira sen fronteiras na que poden participar expositores de todo o mundo, co único límite da calidade dos seus produtos.

Características Técnicas

Lugar:

Pazo de Congresos e Exposicións de Galicia en San Lázaro-Santiago de Compostela (A Coruña).

Un edificio elegante e funcional, perfectamente ubicado na saída Norte da autoestrada AP9 (Coruña-Vigo) e o pe do Camiño de Santiago, con excelente acceso, grandes aparcamentos, cafetería, restaurante, etc.

Dispón de dous grandes espazos na pranta baixa (acceso directo desde a rúa), comunicados por un amplo corredor lateral que permiten a montaxe duns 1.500 m² de exposición. Nos arredores ubícanse varios hoteis.

Espacios de exposición e Prezos 2007:

> Espacio básico (mínimo) medidas aproximadas:
6 m² (3 m de fronte x 2 de fondo):
370 eur + IVE 7% (395,90 eur)

> Outras medidas básicas:

8 m² (4 m de fronte x 2 de fondo):
534 eur + IVE 7% (571,38 eur)

12 m² (6 m de fronte x 2 de fondo):
840 eur + IVE 7% (898,80 eur)

> A partir de 12 m², cada metro cadrado:
70 eur m² + IVE 7%

Calquera medida inclúe stand, luz, rotulación, moqueta, limpeza, inserción en catálogo e web, unha cadeira unha mesa e 50 invitacións.

> **Espacios diáfanos** para montaxes realizadas polo expositor (é necesario aportar deseño da montaxe para aceptación por parte da organización da feira):

70 eur m² + IVE 7%

(Inclúe consumo eléctrico -non instalación-, limpeza, inserción en catálogo e web, unha cadeira unha mesa e 50 invitacións).

Calquera montaxe distinta do espacio básico será concertada entre a organización e os interesados de forma personalizada.

Existe mobiliario deseñado especialmente para esta feira que pode ser alugado polos expositores (estanterías, mesas e vitrinas). Consultar para aluguer doutro tipo de mobiliario.

Datas e horarios:

do **13 o 15 de abril de 2007** (venres a domingo)

Inauguración: venres 13 de abril ás 12 h.

Horario ininterrompido:

13 de abril, de 12 a 21 h.

14 e 15 de abril, de 10:30 a 21 h.

Montaxe: día 12 de abril (xoves)

Entrada gratuita para compradores profesionais, previa invitación ou acreditación na entrada do recinto.

Número de expositores previsto: 130

Promoción:

- Promoción por correo dirixida a 12.000 tendas de regalo, institucións, empresas, entidades, etc., de toda España e Portugal e posterior envío de 12.000 invitacións.
- Visitas persoais a compradores profesionais de interese e promoción telefónica.
- Distribución de invitacións entre expositores para o seu uso persoal.
- Publicidade en prensa e revistas especializadas.
- Web www.primaveranorte.com
- Catálogo gráfico de expositores.
- Incentivos á asistencia de compradores profesionais.